



## Universitätsbibliothek Paderborn

**Decretvm Sanctiss. In Christo Patris Ac D. N. D. Alexandri  
Papæ VII.**

**Alexander <VII., Papst>**

**Brvxellæ, Anno M.DC.LVII.**

Et quia circumferuntur ...

**urn:nbn:de:hbz:466:1-40396**

Vera S. Thomæ de gratia sufficiente , & efficaci doctrina dilucidè explanata.

Propositiones Theologicæ , de quibus hodie maximè disputatur clarissimè demonstratæ.

Tabulæ suffragiales de terminandis fidei litibus ab Ecclesia Catholica fixæ. Authore Thoma Anglo ex Albiis East-Saxone.

Tesseræ  $\downarrow$  eudorūμες Romanæ evulgatio, eodem authore &c.

Et quia circumferuntur quædam folia impressa anno 1657. quorum titulus est , *Tredecim Theologorum ad examinandas quinque Propositiones ab Innocentio X. selectorum suffragia, seu ut appellant vota summo Pontifici scripto tradita* , Eadem Sanctitas Sua præsenti hoc decreto illa prohibet, & declarat, ac decernit, iis tanquam apocryphis nullam fidem esse adhibendam , nec à quocumque allegari posse vel debere; Et præterea Epistolas, libellos, ac libros alios quo scumque, in quibus doctrina Cornelii Iansenii Episcopi Ippenfis in quinque propositionibus per Constitutiones Innocentii Prædecessoris, & Sanctitatis Suæ damnata, asseritur, aut quomodolibet approbat, vel defendit, tam impressos, quam imprimendos quocumque idiomate, vel quomodolibet etiam in scriptis evulgatos, vel in futurum evulgandos, Sanctitas Sua omnino damnat, & prohibet, ac damnatos, & prohibitos esse voluit, mandans, ut nemo cujuscumque gradus, & conditionis existat, etiam speciali , seu specialissima nota dignus libros prædictos, aut aliquem ex illis apud se retinere, legere, aut imprimere, aut imprimi curare audeat, sub pœnis, & censuris contra hujusmodi delinquentes statutis, sed statim quicumque illos habent, vel in futurum quandcumque habebunt, locorum Ordinariis, seu Inquisitoribus sub iisdem pœnis exhibere teneantur.

Insuper cum hac occasione, & prætextu in lucem prodeant plures libri continent, & tractantes materiam de Auxiliis, nulla prorsus petita, vel obtenta licentia ab hac Sacra Congregatione; contrà formam Decretorum Pauli V. & Urbani V IIII. prædecessorum suorum, (quæ quatenus opus sit, Sanctitas Sua denuò confirmat, innovat, & inviolabiliter observari mandat, sub censuris & pœnis in eisdem contentis) ideo illis inhærendo, dictos libros editos, &

in futurum quomodolibet edendos, absque eo quod fiat de illis specialis mentio, ipso facto & absque alia declaratione pro expressè prohibitis haberi voluit, & decrevit.

*Joannes Lupus Sanctæ Romanæ & Universalis Inquisitionis Not.*

Anno à Nativitate D. N. JESV Christi millesimo sexcentesimo quinquagesimo septimo, Indictione decima, die verò decimaquinta mensis Septembris, Pontificatus Sanctiss. in Christo Patris, & D. N. D. Alexandri, Divinæ Providentiæ Papæ VII. Anno ejus Tertio, supradictum Decretum affixum, & publicatum fuit ad Valvas Basilicarum S. Ioan. Lateranens. & S. Petri de Vrbe, nec non ad Valvas Palatii Sac. Inquisitionis, Cancellariæ Apostolicæ, ac in Acie Campi Floræ, ut moris est, per me Hieronymum Mascellam ejusdem Sanctiss. D.N. Papæ, & Sanctissimæ Inquisitionis Cursorem.

*Concordat cum Authentico Romano Reverendæ Cameræ Apostolicæ  
CHYSOGONVS FLACCHIVS Presbyter Nunciaturæ A-  
postolicæ Grapharius.*